




Optužnica protiv istražitelja Tužilaštva Smajlović od kriminalaca uzeo 10.000 eura mita?

Tužilaštvo BiH podiglo je jučer optužnicu protiv Muje Smajlovića, istražitelja ove pravosudne institucije, saopćeno je jučer iz Državnog tužilaštva. Riječ je o uposleniku koji je slovio za jednog od najboljih istražitelja Tužilaštva BiH, a radio je, između ostalog, i na predmetu „Kemal Čaušević i drugi“.

Smajlović je uhapšen i suspendiran početkom godine u akciji SIPA-e „Druker“, zajedno s Robertom Iličićem Ropcem, koji je osumnjičen za krivično djelo terorizma.

Smajlović se tereti da je od 2012. do početka 2015., u svojstvu ovlaštene službene osobe, odnosno stručnog saradnika - istražitelja, svjesno prekoračio granice službenog ovlaštenja te je bez znanja, prethodnog odobrenja i suglasnosti tužioca ostvarivao kontakte s osum-



Smajlović: Teške optužbe

njičenim ili optuženim osobama protiv kojih su vođeni ili se još vode postupci u Tužilaštvu BiH.

U optužnici je istaknuto da Smajlović o poduzetim radnjama nije informirao tužioca, niti sačinjavao službenu dokumentaciju, a potom je navedenim osobama obećavao razne pogodnosti u krivičnim postupcima, na ime čega je za sebe pribavio nezakonitu materijalnu korist u iznosu od najmanje 10.000 eura te korist u vidu poklona. **M.Aš.**